

Keksdosengespräch

Ist man vom hoamlischen Advent
so manches stille Wunder gewöhnt
und find auch dort und da was statt
für des man koa Erklärung hat
ich bin heuer ganz perplex.
Bei uns dahoam, da redn die Keks!

Wanns ös net glaubts, dann kemmts ins
losn.

Was sich in so a blechern Dosn
olles abspielt unterm Deckel
haut jede Hausfrau aus dö Söckl.

He, ihr SPITZBUAM, sapperlott!
Benehmts euch nehn an BISCHOFSBROT
schimpft der SPEKULATIUS
und kriagt dafür an WITWENKUSS.

Da meldt sich schon der
WEIHNACHTSSTOLLEN:
Die Köchin soll der Teufel holn!
Jeders Jahr hat sie mich noch am End
an meinem Hinterteil verbrennt.

Ja, wer so pfuscht der ghört derschossen
jammern die LINZER ganz verdrossn.
Uns hats nämlich letzte Woch
Am Nudelbrett die Augen ausgestochn!
Jetzt kinnan mia durch d'Löcher schau.
Ihr Schauer, gebt's doch net gar a so an,
melden sich da gleich die TRÜFFELN.
Bei dö HAUSFREUNDE wollts schnüffeln,
aber dös wird euch net glücken,
die liegen aufm REHRÜCKEN.

Jeder kriagt, wie ers verdieht,
flüstert leis der SPANISCHE WIND
und zoagt dabei auf d'VOLLWERTKIPFERL.
Wia ihr euch auffführts, is der Gipfel.
Wertvoll wollt ihr sein und gsund!
Frisst euch eh jeds Jahr der Hund.

Jaja ihr ZIMTSTERN, lachts nur drüber!
Ihr bleibts auch olle Jahr über.

Die WINDBEUTEL haben uns betrogen,
um die mach ma an MANDELBOGEN.
Zerst kemmans, um uns anzuhimmeln
und dann wolln sie sich verkrümmeln
san die BUSSERL außer sich
und legn sich auf den BIENENSTICH.

Was dann passiert- ih könnts net sogn,
mir hats nämlich d'Sprach verschlagn
wia ich so dasteh in der Speis.
Na warts! Euch tua ich noch was z'Fleiß!
Nie werd ich euch dös vergessn
Und jetzt zur Strafe- alle essen!

Angelika Fürthauer

[Keksdosengespraech.pdf \(yca.at\)](https://www.yca.at/Keksdosengespraech.pdf)